

SOALAN NO. 101

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

**DARIPADA : YANG BERHORMAT DATUK DR. EWON BIN
EBIN [RANAU]**

SOALAN :

YB Datuk Dr. Ewon Bin Ebin [Ranau] minta PERDANA MENTERI menyatakan:

- (a) apakah pendirian Kerajaan ke atas desakan oleh beberapa pihak bahawa negeri-negeri Sabah dan Sarawak hendaklah di wakili 1/3 daripada kerusi yang dipertandingkan dalam Parlimen Malaysia sebagaimana yang termaktub dalam Perjanjian Malaysia 1963; dan
- (b) atas faktor geografi, keluasan kawasan dan jurang pembangunan serta atas semangat Perjanjian Malaysia 1963, ada Kerajaan Malaysia bersedia untuk mengkaji semula perkara ini.

JAWAPAN: **YB DATO' SRI AZALINA BINTI OTHMAN SAID,**
MENTERI DI JABATAN PERDANA MENTERI.

Tuan Yang di-Pertua,

Untuk makluman Ahli Yang Berhormat Jawatankuasa Pemandu dan Jawatankuasa Teknikal telah dibentuk yang dianggotai oleh wakil Kerajaan Negeri Sabah dan Kerajaan Negeri Sarawak dan wakil Kerajaan Persekutuan bagi membincangkan isu-isu mengenai proses *empowerment* dan *devolution of authority* termasuk mengenai hak-hak negeri Sabah dan Sarawak.

Mesyuarat di peringkat Jawatankuasa Teknikal telah pun diadakan sebanyak empat kali iaitu pada 10 Ogos 2016, 27 September 2016, 1 Disember 2016 dan 23 Januari 2018. Seterusnya, perkara yang dibincangkan dalam Mesyuarat Jawatankuasa Teknikal Bil. 1 hingga 3 tersebut telah pun diangkat untuk pertimbangan lanjut di peringkat Jawatankuasa Pemandu.

Proses pelaksanaan *empowerment* dan *devolution of authority* ini merupakan suatu proses yang berterusan (*ongoing*) dan rundingan dengan pihak-pihak yang berkenaan sedang dijalankan dan belum dimuktamadkan. Oleh itu, butiran terperinci mengenai mesyuarat yang telah diadakan belum boleh didedahkan kepada umum memandangkan status mesyuarat tersebut bertaraf Rahsia.

Sekian, terima kasih.